

Aktivitet me Fëmijët me Aftësi të Kufizuara

23 janar 2014, Librazhd

Ditën e Enjte, 23.01.2014, Qendra e FFPBB, Elbasan organizoi një aktivitet me Qendrën Ditore “Zhvillimi dhe Integrimi” për fëmijë me aftësi të kufizuara në Librazhd. Ky aktivitet vjen si rezultat i investimit të 7 vëllezërve dhe motrave nga Qendra e Elbasanit në mbledhje fondesh në qytetin e Korcës gjatë pushimeve të dimrit. Në bashkëpunim me drejtoreshën e qendrës, zj. Fatbardha Alimeta e cila është dhe Ambasadore për Paqen, menduam që t’i ofronim kësaj qendre një TV dhe një DVD, paisje të cilat ishin më të nevojshmet për momentin në këtë qëndër.



Ditën që u shkuam atje ishin 16 veta ku midis këtyre ishte edhe një Ambasador për Paqe z. Ilmi Belshaku. Aty patëm një pritje mjaft të ngrohtë nga stafi i qendrës prej 4 personash. Për kënaqësinë e fëmijëve dhe të gjithë pjesëmarrësve që kishin kontribuar për ofrimin e paisjeve përgatitëm një kokteil. Atë ditë ishin 6 prej fëmijëve që frekuentonin qendrën, kurse pjesa tjetër nuk kishin ardhur për arsye të ndryshme. Por ne ndjemë dhe shikuam se sa të gëzuar ishin ata fëmijë që kishin shume njerëz rreth e rrotull që po kujdeseshin edhe po u jepnin dashuri. Por në të njëjtën kohë edhe ne morëm shumë dashuri prej tyre.



Në këtë aktivitet fjalën përshëndetëse e mbajti znj. Fatbardha Alimeta dhe z. Ilmi Belshaku, ku të dy në fjalën e tyre përshendetën nismën e të rinjve për të ndihmuar dhe për tu dhënë më shumë dashuri kësaj shtrese të shoqërisë, si dhe në të njëjtën kohë dhe për senzibilizimin e shoqërisë. Më pas shpenzuam ca kohë për të argëtuar fëmijët të cilët e shijuan shumë këtë pjesë. Ne e mbyllëm këtë aktivitet me dëshirën për tu rikthyer sërish dhe për të bërë gjëra edhe më të bukura me këto fëmijë.

Faleminderit dhe ju urojmë gjithë vëllezërve dhe motrava sa më shumë suksese në punën tuaj me PQ&PV.





Raportoi: Ajet Bosi, Drejtues i Qendrës FFPBB, Elbasan